

重刊道藏輯要

同參經

孚佑上帝純陽呂祖天師著

上卷

讚

開微演奧洩露真旨會三歸一著言詮道德總包含淨業消

愆廣植善因緣

開經旨妙偈

大道存虛無可名窮冥恍惚有真精一元妙理同三教初判

鴻濛象始分於穆直從心性得業源清淨善芽生修持了悟

道藏輯要

同參經

五

室集三

全經誦法體如如超上乘

法會緣起章第一

自昔咨元廣法天尊既成道已於正陽聖師前發宏誓願溥度
閻浮一切眾生遂歷塵寰開演八品仙經最為顯著然升降水
火嬰兒姍女之旨龍虎爐鼎之說多屬取譬世人弗察悞入旁
門間有一二聰穎之士又多執泥文字不解得言忘象以意逆
志天尊垂憫每於翼軫之區闡化廣結眾緣又五品又三品先
後敷宣以示大乘精微之旨不離自性覺明使修真之子因文
修道良為慈悲方便不負初誓第經文流播未廣奉持者少因
侍元始法几聽說太古無上至真妙道於是天尊哀求元始至